

## MEMORIA ECONÓMICA E XUSTIFICATIVA DO CONVENIO DE COLABORACIÓN ENTRE A CONSELLERÍA DE CULTURA, LINGUA E XUVENTUDE DA XUNTA DE GALICIA E O CONCELLO DA PONTENOVA PARA A INTEGRACIÓN DA AXENCIA DE LECTURA OS FORNOS NA REDE DE BIBLIOTECAS DE GALICIA

### Ámbito competencial

A Consellería de Cultura, Lingua e Xuventude é o órgano da Administración da Comunidade Autónoma ao que lle corresponden as competencias e funcións en materia de promoción e difusión da cultura e, en concreto, as atribucións en materia de bibliotecas, segundo o establecido no Decreto 146/2024, do 20 de maio, polo que se establece a estrutura orgánica da Consellería de Cultura, Lingua e Xuventude. Dentro dese ámbito competencial, a Lei 5/2012, do 15 de xuño, de bibliotecas de Galicia, atribúelle á consellería, en tanto órgano de dirección e coordinación do Sistema galego de bibliotecas, a competencia para tramitar e resolver os procedementos de integración de bibliotecas públicas ou servizos bibliotecarios na Rede de Bibliotecas de Galicia.

A dita lei define a Rede de bibliotecas de Galicia como un grupo coordinado de bibliotecas que comparten políticas bibliotecarias comúns, así como recursos e servizos, co fin de lograr a prestación do mellor servizo público dispoñible ás persoas usuarias. Entre outras, forman parte da Rede as bibliotecas de titularidade pública local dependentes de concellos ou entidades públicas locais galegas que soliciten a súa integración e que cumpran os requisitos técnicos necesarios.

O procedemento de integración na Rede regúlase no Decreto 41/2001, do 1 de febreiro, de refundición da normativa en materia de bibliotecas, que establece que o conselleiro competente en materia de cultura, resolverá a inclusión ou non do centro bibliotecario na Rede de Bibliotecas de Galicia. Esta resolución, de ser favorable, estará condicionada á sinatura dun convenio.

### Antecedentes

O concello da Pontenova solicitou o 09/02/2025 a integración na Rede de Bibliotecas de Galicia da Biblioteca Pública Municipal Os Fornos. Despois de que os servizos técnicos desta consellería analizaran a documentación achegada, e logo da visita efectuada ás instalacións, procedeuse á redacción do correspondente informe de idoneidade o 14/05/2025. Entre outras consideracións, neste informe sinalábase que, consonte o decreto 41/2001 de refundición da normativa en materia de bibliotecas, tendo en conta avista do in superficie superficie reservada a este servizo, correspondíalle a denominación de "Axencia de Lectura".





Á vista do informe, o día 26/09/2025 requiríuselle ao concello diversa información complementaria, que achegou o día 27/10/2025.

Finalmente, mediante Orde do 22/12/2025 do conselleiro de Cultura, Lingua e Xuventude, resolveuse a integración da Axencia de Lectura Os Fornos da Pontenova na Rede de Bibliotecas de Galicia. O día 09/01/2026 publicouse a resolución no *Diario Oficial de Galicia*.

Para a que a integración do centro bibliotecario na Rede adquiera firmeza e sexa efectiva, a normativa en materia de bibliotecas recolle a necesidade da formalización do presente convenio nun prazo de tres meses desde a publicación da orde de integración.

### **Obxecto**

O obxecto deste convenio é formalizar o acordo entre a Consellería de Cultura, Lingua e Xuventude da Comunidade Autónoma de Galicia e o Concello da Pontenova co obxecto de incluír a Axencia de Lectura Os Fornos na Rede de Bibliotecas de Galicia.

### **Importe e tipoloxía dos fondos económicos**

A execución deste convenio non representa incremento de gasto para a Comunidade Autónoma respecto das liñas de traballo establecidas nos plans orzamentarios actuais nin terá repercusión en exercicios futuros, salvo a organización de actividades formativas e os plans e proxectos de cooperación que se poidan establecer nos que os gastos se instrumentarán xuridicamente a través dos correspondentes procedementos administrativos segundo a lexislación aplicable.

### **Normativa aplicable**

Este convenio ten natureza administrativa e seranlle de aplicación as seguintes normas:

Artigos 44.1 e 149.2 da Constitución española.

Artigo 27.18 do Estatuto de autonomía da Comunidade Autónoma de Galicia.

Artigo 29 da Lei 1/1983, do 22 de febreiro, reguladora da Xunta e da súa Presidencia.

Artigo 24 da Lei 7/1985, de 2 de abril, reguladora das bases do réxime local.





Artigo 21 do Real decreto legislativo 781/1986, do 18 de abril, polo que se aproba o texto refundido das disposicións legais vixentes en materia de réxime local.

Real decreto 1531/1989, do 15 de decembro, sobre traspaso das funcións, servizos e medios en materia de cultura á Comunidade Autónoma de Galicia.

Artigo 105 da Lei 5/1997, do 22 de xullo, de Administración local de Galicia.

Decreto 41/2001, do 1 de febreiro, de refundición da normativa en materia de bibliotecas.

Lei 5/2012, do 15 de xuño, de bibliotecas de Galicia.

Lei 10/2007, do 22 de xuño, da lectura, do libro e das bibliotecas.

Artigo 14 da Lei 39/2015, do 1 de outubro, do procedemento administrativo común das administracións públicas.

Artigo 49 da Lei 40/2015, do 1 de outubro, de réxime xurídico do sector público.

Artigo 15.2 da Lei 1/2016, do 18 de xaneiro, de transparencia e bo goberno.

Regulamento (UE) 2016/679, do Parlamento Europeo e do Consello, do 27 de abril de 2016 (Regulamento xeral de protección de datos).

Lei Orgánica 3/2018, do 5 de decembro, de Protección de Datos Personais e garantía dos dereitos dixitais.

Decreto 44/2024, do 14 de abril, polo que se nomean os titulares das consellerías da Xunta de Galicia.

Decreto 146/2024, do 20 de maio, polo que se establece a estrutura orgánica da Consellería de Cultura, Lingua e Xuventude..

Orde do 22 de decembro de 2025, pola que se resolve a integración na Rede de Bibliotecas de Galicia da Axencia Municipal de Lectura "Os Fornos" da Pontenova.

## Interese

A Consellería de Cultura, Lingua e Xuventude ten especial interese en asinar este convenio co obxecto de formalizar o compromiso de integración da Axencia de Lectura "Os Fornos" da Pontenova na Rede de Bibliotecas de Galicia, co obxectivo de que todas as bibliotecas que prestan servizo público en Galicia e que están activas se atopen en igualdade de condicións á hora de acceder a todos os recursos que lle ofrece a administración autonómica ás entidades titulares destes servizos.

Pola súa parte, o Concello da Pontenova pon de manifesto o seu compromiso para acadar o cumprimento eficaz das funcións do centro bibliotecario e a satisfacción dos dereitos das persoas usuarias.





As partes concordan na finalidade última de mellorar o acceso da cidadanía ao libro e a lectura tanto en formato físico como dixital.

O convenio terá unha vixencia de catro anos a partir do día seguinte ao da súa sinatura. Antes do remate deste prazo, as partes poderán acordar unanimemente a súa prórroga por un período de ata catro anos adicionais ou a súa extinción, de conformidade co previsto no artigo 49 da Lei 40/2015, do 1 de outubro, de réxime xurídico do sector público.

As actividades que ampara son de interese social para a cidadanía galega e veñen a mellorar o acceso á cultura e ao coñecemento da cidadanía galega en xeral e dos usuarios e usuarias das bibliotecas en particular.

Trátase dun convenio que non representa incremento de gasto para a Comunidade Autónoma respecto das liñas de traballo establecidas nos plans orzamentarios actuais nin terá repercusión en exercicios futuros.

Santiago de Compostela

O director xeral de Cultura

Anxo M. Lorenzo Suárez

